

Cuira, ils 3 da november 2021

Silva Semadeni è la nova presidenta da Pro Natura Grischun

Silva Semadeni, ina vusch enconuscenta a favur da la protecziun da la natira, s'engascha vinavant per Pro Natura. A la radunanza da commembers è l'anteriura cussegliera naziunala ed anteriura presidenta da Pro Natura Svizra vegnida elegida unanimamain e cun applaus frenetic sco nova presidenta. La suprastanza vegn plinavant rinforzada dad Andrea Bachofen.

A la radunanza da commembers è Silva Semadeni vegnida elegida sco nova presidenta. La Puschlavina che stat a Cuira è s'engaschada dal 1996 en fin il 2018 en la suprastanza centrala da Pro Natura, da quai 16 onns sco presidenta. Durant quest temp è il dumber da commembers creschì considerablmain. Silva Semadeni ha marcà fermamain la collavuraziun cun las secziuns e la diversità linguistica e culturala da Pro Natura. "Ina protecziun consequenta da la natira, da la cuntrada e dal clima è pli che mai necessaria, era en il Grischun", di Silva Semadeni.

Plinavant ha la radunanza era elegì Andrea Bachofen sco nova commembra da suprastanza. La studenta da giurisprudenza da 21 onns surpiglia l'uffizi da cassiera. Pro Natura Grischun sa legra da l'engaschament da las duas novas suprastanzas.

Approvaziun da la suprastanza

La suprastanza da Pro Natura Grischun vegn approvada. Per la reelecziun èn sa mess a disposiziun Reto Nigg, Renata Fulcri, Josef Hartmann e Birgit Ottmer. Andrea Nold, president communal da Conters, sa retira da la suprastanza. Walter Amman, il president precedent, sa retirava al termin original da la suprastanza. Pro Natura Grischun els engrazia per ses engaschament a favur da Pro Natura Grischun.

Pasturs voluntaris

Suenter las tractandas statutaricas preschenta Patrizio Decurtins il project Pasturs voluntaris. En il rom da quest project han persunas voluntarias sustegnì la stad passada allevaturas ed allevaturs da biestga manidla en la lavur quotidiana da la protecziun da muntanera. Ins vul cuntinuar cun il project ils proxims onns. La radunanza ha discutà vivamain davart quest tema.

Infurmaziuns:

Armando Lenz, manader da gestiun Pro Natura Grischun
armando.lenz@pronatura.ch
081 253 56 44

Fotos da pressa





Silva Semadeni



Silva Semadeni bei der Auswilderung eines Bartgeiers

